



Ramón suma

Ramón Argüelles Cordero, 47 años, ye asesor fiscal en Mieres y dende 2007, Alcalde de L.lena, fecha na qu'arrampuñó l'alcaldía al PSOE revalidando dempués con amplies mayoríes el gobiernu hasta l'actualidá.

Amás de la so esperiencia local, exerció como Director Xeneral de Seguridá Pública del Gobiernu d'Asturies ente los años 2006 y 2007, teniendo al so cargu Bomberos d'Asturies y 112 Asturies y la Escuela de Seguridá Pública.

Ramón Argüelles
Candidatu Coordinador d'Izquierda Xunida d'Asturies



Compañera, compañeru:

En recibiendo'l sofitu y l'aval a la mio candidatura d'un ampliu númberu de militantes partíos por tola xeografía asturiana, decidí presentame a les **primaries d'Izquierda Xunida** pa intentar convertime nel vuestu **Coordinador**, y facer por revitalizar la **participación de la militancia** en tolos sos ámbitos, por activar la presencia de la organización na cai y nel conflictu; y na acción política asturiana.

Nestos años, de trabayu municipal, conocí la impotencia de nun atopar abundu respaldu na organización polo que la mio candidatura pretende **liderar el cambéu y la normalización** que nuesa organización precisa tres años de desgobiernu, división y conflictos internos.

Soi consciente de que la nuesa ye una **organización plural** y que nella nun sobra naide; comprometome a trabayar pa construyir una Izquierda Xunida **participativa** y respirable na que toles persones y toles localidaes puedan sentise afayaes, respetaes y tenies en cuenta.

Preséntome tres años intensos de trabayu como Alcalde en L.lena, col oxetivu y la ilusión de poner tola mio **esperiencia** y saber al serviciu d'Izquierda Xunida y quiero contribuyir a que la nuesa organización siga siendo una **ferramienta útil** pal fortalecimientu de la Izquierda.

La **tresparencia** y la **información** son dos principios fundamentales que caracterizaron los gobiernos en que participé, los mesmos principios que voi caltener si llogro los sofitos abondos pa ser coordinador.

Recuperar la organicidá, aumentar la participación, desprofesionalizar la política, con una llende de mandatos y de cargos, asina como curiar y arropar nel so trabayu a la militancia, son los **compromisos** qu'adquiero contigo.

Toi arguyosu de pertenecer a una organización que siempre tuvo a la vanguardia de la llucha pola conquista de los derechos y les llibertaes; **el corazón de la esquierda** siempre llatió con fuerza n'Asturies y pienso trabayar por que siga siendo asina. Por eso comparto y sofito el proyectu políticu de confluencia pa un Nuevu País que lidera Alberto Garzón, pa defender, tamién n'Asturies, los intereses de la mayoría de la ciudadanía y pa construyir una sociedá de progresu, más xusta, más digna y más democrática.

Nestos tiempos d'ofensiva neolliberal y de retayos, cuando nos gobierna la derecha más corrupta d'Europa col aval d'un PSOE que traiciona la so ideoloxía y la so hestoria, tenemos de ser capaces d'**apurir lo meyor de nós**, pa contribuyir dende Izquierda Xunida a xenerar un espaciu plural y ampliu de vocación mayoritariu pa llograr gobernar esta Asturies nuesa dende la igualdá social y la participación ciudadana.

Estos son los míos proyectos y les míos ideas. Gustaríame cuntar col to sofitu, nes votaciones del proximo 28 d'ochobre, pa faeles posibles.

¡Salú y República!